

PMF Prirodno-matematički fakultet

UNIVERSITY OF SARAJEVO
FACULTY OF SCIENCE

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

SPORAZUM

o naučnoistraživačkoj, stručnoj i poslovno-tehničkoj saradnji

između

Prirodno-matematičkog fakulteta Univerziteta u Sarajevu kojeg zastupa dekan, **prof.dr. Rifat Škrijelj** (u daljem tekstu: PMF)

Zavoda za javno zdravstvo FBiH kojeg zastupa direktor, **Prim. Dr. Željko Ler** (u daljem tekstu: Zavod)

Član 1.

Ovim Sporazumom utvrđuju se mogući načini međusobne saradnje između PMF-a i Zavoda u naučno istraživačkom, stručnom i poslovno-tehničkom području djelovanja potpisnica ovog Sporazuma.

Član 2.

Saradnja iz čl.1 ovog Sporazuma ostvarivat će se putem:

- prijave i učestvovanja istraživača PMF-a i Zavoda na postojećim i budućim kantonalnim, federalnim, državnim i međunarodnim naučno-istraživačkim projektima/programima (posebno na IPA programima predpristupnih fondova EU);
- intenziviranja saradnje sa zemljama okruženja, koje su potpisnice međudržavnog ugovora o naučno-nastavnoj saradnji (posebno iz oblasti radiohemije);
- razmjena stručnih iskustava kroz zajedničko učestvovanje stručnjaka PMF-a i Zavoda na rješavanju problema iz prakse (rad na tehničkim izvještajima, ekspertiza, studija itd.);
- učešće djelatnika Zavoda u nastavnom procesu na PMF-u u skladu sa nastavnim potrebama i Zakonom o visokom obrazovanju Kantona Sarajevo;
- unaprijeđenja nastavnog procesa na PMF-u (izrada diplomskih, magistarskih i doktorskih radova-posebno iz područja radiohemije) povremenim korištenjem opreme i stručnih kadrova Centra za zaštitu od zračenja Zavoda;
- mogućnosti korištenja prostorija PMF-a za potrebe Zavoda (smještanje opreme, organiziranje naučnih, stručnih seminara itd.);
- opremanja laboratorija za naučno-istraživačku i nastavnu djelatnost;
- podrške naučno-istraživačkom radu u pojedinim oblastima od interesa za PMF i Zavod;
- zajedničkog nastupa, odnosno formiranja zajedničkih timova u poslovima sa drugim institucijama od interesa za PMF i Zavod;
- rada na drugim naučnim i stručnim poslovima iz oblasti koje spadaju u područje delatnosti PMF-a, odnosno Zavoda;

- davanja prednosti studentima PMF-a, koji studiraju naučne oblasti od interesa za Zavod, pri eventualnom zaposlenju u Zavodu.

Član 3.

PMF i Zavod sporazumijeli su se da će za svaku od aktivnosti iz čl.2 sklapati poseban ugovor, pri čemu će imati u vidu pojedinačne kao i zajedničke interese.

Član 4.

PMF i Zavod sporazumijeli su se da ukupno stvorena, zajedničkim aktivnostima finansijska sredstva, laboratorijska oprema, naučna i stručna prava, raspodijeljuju međusobno, što će biti regulisano ugovorom prema čl.3.

Član 5.

PMF i Zavod sporazumijeli su se da će za izvršenje aktivnosti iz čl.2 ovog Sporazuma po potrebi formirati zajedničke timove.

Član 6.

Ovaj Sporazum se zaključuje na neodređeno vrijeme. Svaka strana u Sporazumu može pismeno otkazati ovaj sporazum u cjelini ili djelimično sa otkaznim rokom od tri mjeseca.

Član 7.

Eventualni sporovi rješavat će se dogovorom PMF-a i Zavoda. U slučaju da se na ovaj način ne postigne zadovoljavajuće rješenje, sporove će rješavati nadležni sud u Sarajevu.

Član 8.

Sporazum je sačinjen u 4 (četiri) istovjetna primjerka od kojih svakoj potpisnici pripada 2 (dva) primjerka.

Član 9.

Sporazum stupa na snagu danom potpisivanja.

